

# Kouland 2

## Episode 4: Suigstokkie

**Kerngedagte :** Dit is makliker om stokkies te draai deur verskonings uit te dink as wat dit is om aksie te neem. Die Here vra ons om ons verskonings voor Sy voete te sit. Hy wil ons verskonings in belonings verander wanneer ons klie som gehoorsaam aan Hom te wees.

**Doelwit :** Kinders gaan 'n refleksie aktiwiteit doen om te dink oor die areas in hul lewens waar hul nog stokkies draai met verskonings in plaas om aksie te neem.

**Steltekste:** 1 Johannes 5:14

**Bybelverhaal:** Die (suig) stokkiedraaier by Betesda - Johannes 5:1-17



Aan die begin van die jaar het almal die mooiste planne wat hul dinge in hul lewe gaan verander in die jaar wat voorlê. Baie mense besluit om te begin oefen, gesonder te eet, of selfs om hul geestelike reis saam met die Here sterker te kry.

Begin Januarie is dit nog redelik maklik om by jou planne te hou. Dinge is glad nie so dol soos wat dit einde verlede jaar was nie. Nee wat, hierdie planne pas maklik in by al jou ander dinge. Dan, skielik begin alles op een slag wegtrek. Al die verpligtinge en take is terug van hul vakansie. Skielik skarrel jy weer net soos wat jy gedoen het aan die einde van verlede jaar. Nou sal jy moet plan maak. Miskien is "laaste in eerste uit" die beste benadering. Hierdie nuwe planne wat nou eers toegevoeg is tot jou lewe sal moet wag. Die warrel staan vir niemand stil nie...

Wanneer laas het jy 'n suigstokkie geëet? 'n Mens kry mos van daar mense wat 'n suigstokkie tot op sy stok sal kan eet. Dan kry mens ander wat glad nie die gedraaiery vir so lank kan aanhou nie. In die middel van die stokkiedraai, byt hul hom somer middeldeer om by die punt te kom. Gelukkig is daar nie 'n slegter of 'n beter manier om die heerlike soet geur van 'n suigstokkie te geniet nie. Daar is wel 'n beter manier om die wonderlike geur wat die Here vir ons lewe beplan te geniet. Hy beplan soveel wonderlike dinge vir elkeen van sy kinders. Die gevaar is dat ons baie keer verskonings uitdink om nie voluit te gaan vir die plan wat Hy vir ons lewens het nie. Ons skryf ons onvermoë om Sy lewe in oorgloed te geniet toe aan ons omstandighede, skedules, verpligtinge en somer net aan die eerste beste verskoning wat ons in die oomblik aan kan dink. So sal baie dan doelloos draai en voel dat daar geen punt is nie. Amper soos die wat daarin slaag om die suigstokkie tot op sy stok te eet. Die lewe wat die Here egter vir ons beplan verg geen stokkiesdraai nie. Hy wil jou elke dag gebruik tot eer van Sy naam. Hy wil in jou en deur jou Koninkryk bou. Wat is die rede wat jy gebruik om jou van hierdie lewe af te weerhou?

Daar was ook stokkiesdraaiers wat geleef het in die Bybelse tyd. Een spesifieke stokkiesdraaier het vir 38 jaar lank langs die bad van Betesda gesit en wag vir dinge om te gebeur. Hy was so siek, dat hy gekies het om net daar te sit en te kyk vir die mense wat verby hom stap na die bad toe. 'n Mens kan wonder wat het veroorsaak dat die man net opgehou probeer het om in die bad te kom. Was hy al soveel keer teleurgestel, dat dit hom lam gelaat het in sy hart, of was sy lyf werklik te lam om enige plan te maak? Dalk was hy bang dat ander snaaks van hom gaan dink as hy probeer om in die bad te kom. Dalk was hy te bang om die besluit te maak om iets te doen. Dalk het hy net daar stokkies gedraai in die hoop dat iemand hom sal raaksien en iets doen.....Iemand het hom raakgesien..

*"Wil jy gesond word?"*. Jesus steek sy Hand uit na die man in 'n vriendelike stem. 'n Mens sou dink dat hierdie man na soveel jare se gewag sou uitroep van vreugde as iemand hom hierdie vraag sou vra. In plaas van om "n hoopvolle "ja!" uit te skree, begin die man 'n hele reeks verskonings vir Jesus te gee oor waarom hy nog nie gehelp is nie.

Jesus het verby die verskonings gekyk en die beloning raakgesien wat Hy in deur gehoorsaamheid vir die man wou gee. "Staan op en loop", beveel Jesus met "n sagte uitnodiging. Gelukkig het die man nie hierdie keer weer sy verskonings gebruik nie. In hoop het hy gehoorsaam gedoen wat Jesus vra en onmiddellik was hy genees.

Partykeer is ons net sulke stokkiesdraaiers soos die man by Betesda. Hy het gesit en wag om gehelp te word, sonder om te besef dat hy in sy wag ook ander kan help. Toe Jesus Sy Hand na hom uitgesteek het en gevra het of hy genees wou word, het die verskonings in sy pad van genesing gestaan.

Watter verskonings staan in jou pad, dat jy nie Jesus se sagte uitnodiging kan aangryp nie. Die Here ken jou hart, Hy weet tot wat jy in staat is. Miskien is dit tyd om die verskonings waarmee ons stokkiesdraai in Sy Hand te plaas en in gehoorsaamheid te vertrou dat die Here se doel met ons lewe baie groter seën inhou vir onself en ook vir die rondom ons. Mag jy jou stokkiedraai verskonings ook sommer middeldeur byt om by die kern van God se oorvloed vir jou lewe uit te kom!

# Aktiwiteit 1 - Stokkies draai

## Ysbreker:

Deel vir elke kind 'n suigstokkie uit. Die uitdaging is om te probeer kyk of julle die suigstokkie kan suig tot hy op is. As jy die suigstokkie byt, dan val jy uit die kompetisie uit.

## Sê die volgende in jou eie woorde:

Wat beteken dit om stokkies te draai?

Wanneer laas het jy 'n suigstokkie geëet? 'n Mens kry mos van daar mense wat 'n suigstokkie tot op sy stok sal kan eet. Dan kry mens ander wat glad nie die gedraaiery vir so lank kan aanhou nie. In die middel van die stokkiedraai, byt hul hom sommer middeldeer om by die punt te kom. Gelukkig is daar nie 'n slegter of 'n beter manier om die heerlike soet geur van 'n suigstokkie te geniet nie. Daar is wel 'n beter manier om die wonderlike geur wat die Here vir ons lewe beplan te geniet. Hy beplan soveel wonderlike dinge vir elkeen van sy kinders. Die gevaar is dat ons baie keer verskonings uitdink om nie voluit te gaan vir die plan wat Hy vir ons lewens het nie. Ons gebruik so maklik ons omstandighede, skedules, verpligtinge en sommer net die eerste beste verskoning wat ons in die oomblik aan kan dink. So baie mense dan doelloos draai en voel dat daar geen punt is nie. Amper soos die wat dit kan regkry om die suigstokkie tot op sy stok te eet. Die lewe wat die Here vir ons beplan is nie een van stokkiesdraai nie. Hy wil jou elke dag gebruik tot eer van Sy naam. Hy wil in jou en deur jou Koninkryk bou. Wat is die rede wat keer dat jy die lewe wat God vir jou beplan kan uitleef?

Kom ons dink bietjie aan verskonings wat ons gebruik om nie die lewe te leef wat Jesus vir ons beplan nie.

## Instruksies:

1. Deel vir elke kind 'n stokkiesdraai aktiwiteitsvel uit
2. Deel vir elke kind 5 kort toutjies uit
3. Die kinders moet nou die opdragte wat die Here vir ons gee verbind met verskonings wat ons gebruik om dit nie te doen nie.
4. Plak die toutjies om die opdrag en die verskoning met mekaar te verbind.

**Uitdaging vir die week:** Gaan kyk na die verskonings wat hy gebruik om nie gehoorsaam te wees nie. Hoe maak hierdie verskonings dat jy nie die lewe kan leef wat Jesus vir jou beplan nie. Praat met hom daaroor. Bid en vra dat Jesus jou sal help om jou verskonings eerder vir Hom te gee en te vertrou dat Hy 'n beter beloning vir jou terug sal gee as jy gehoorsaam is aan Hom.

## Aktiwiteit 2 - Die stokkiesdraaier by die bad van Betesda

**Sê die volgende in jou eie woorde:** Daar was ook stokkiesdraaiers wat geleef het in die Bybelse tyd. Een spesifieke stokkiesdraaier het vir 38 jaar lank langs die bad van Betesda gesit en wag vir dinge om te gebeur. Hy was so siek, dat hy gekies het om net daar te sit en te kyk vir die mense wat verby hom stap na die bad toe. 'n Mens kan wonder wat het veroorsaak dat die man net opgehou probeer het om in die bad te kom. Was hy al soveel keer teleurgestel, dat dit hom lam gelaat het in sy hart, of was sy lyf werklik te lam om enige plan te maak? Dalk was hy bang dat ander snaaks van hom gaan dink as hy probeer om in die bad te kom. Dalk was hy te bang om die besluit te maak om iets te doen. Dalk het hy net daar stokkies gedraai in die hoop dat iemand hom sal raaksien en iets doen.....Iemand het hom raakgesien..

### **Gesels oor die volgende terwyl die kinders hul aktiwiteit velle versier:**

1. Waarom het die man eerder vir Jesus verskonings gegee as wat hy gekies het om gehoorsaam te wees?
2. Jesus steek ook elke dag Sy Hand uit na ons toe. Wat is die dinge wat dit vir ons moeilik maak om gehoorsaam aan Jesus te wees?
3. Wat kan ons doen met die verskonings wat keer dat ons die lewe leef wat Jesus vir ons beplan?
4. Hoe kan ons verby moeilike besluite kom wat partykeer keer dat ons iets wil doen?
5. Hoe verander Jesus ons verskonings in belonings wanneer ons dit vir Hom gee?

### **Ons stukkies vir vandag is in Jeremia 29:11-13**

**Wenk:** Is hierdie boek in die Ou Testament of Nuwe Testament geskryf?

Jeremia 29:11 is 'n baie bekende deel. Mense vergeet partykeer om die verse dars ook te lees. Die Here beplan wonderlike dinge vir ons, MAAR ons moet na Hom toe gaan en Hom vertrou. Ons moet met ons HELE hart na Hom toe gaan en die toelaat dat verskonings in die pad staan van gehoorsaam wees nie.

6. Hoe kan ons elke dag vir onself herinner dat die Here 'n plan met ons lewe het?
7. Hoe kan ons kies om die Here in elke deel van ons lewe te soek?
8. Wat kan ons doen as ons aan verskonings begin dink wat ons weg wil vat van God se plan?
9. Hoe kan jy 'n suigstokkie en die man van Betesda se storie gebruik om iemand te help wat verskonings uitdink om nie gehoorsaam te wees nie?

Naam: .....

## Stokkiesdraai, verskonings Fraai:

Jesus steek Sy Hand na jou uit,  
maar jy draai lievers in verskonings vêr en wyd.  
Ek is te besig, ek is te moeg,  
Ek het my deel gedoen, dit is nou genoeg.  
Ek moet eers groot wees, ek sal weer luister,  
Môre is beter, glo ek myself wyser.  
Dag na dag draai ek vas my verskonings,  
terwyl die Here reg staan met 'n Hemelse beloning.  
Hy het 'n beter pad vir jou as Sy kind,  
So hou op verskonings maak  
En kom tot die PUNT!

*Verskonings wat ek gebruik, om nie die gehoorsaam te wees nie.*

Maak tyd vir God

Ek is nie so goed soos ander  
nie

Help mense wat sukkel

Mense dink snaaks van jou  
as jy oor Jesus praat

Vertel mense van Jesus



Daar is mense wat beter as  
ek is om ander te help

Vergewe ander mense

Grootmense weet hoe om  
tyd saam met die Here te  
spandeer

Doen jou beste

Ek het al te seer gekry



Naam: .....

## Kouland Episode 4: Die (suig) stokkiesdraaier by Betesda

38 Jaar siek en sat,  
Wag 'n man by Betesda  
vir sy beurt om te bad.  
'Wil jy gesond word meneer'  
vra 'n vriendelike stem.  
Ek sou graag wou',  
niemand wil my help swem.  
Goeie hulp is daar so min van gesaai,  
begin die man hom veilig in verskonings toedraai.  
'Nou staan op en loop', nooi Jesus hom uit,  
vol hoop is hy gehoorsaam en stap toe self daar uit!  
Partykeer is ons ook soos die man by die bad,  
met verskonings pluk ons ook vir onself eie lat.  
Die Here steek elke dag Sy Hand na jou uit,  
Om jou gewillig vir Sy Koninkryk te gebruik.  
Watter verskoning draai jy veilig voor jou oop,  
wat jou keer om die Here se pad vir jou te loop?

Johannes 5:1-17



Ek weet wat Ek vir julle beplan het," sê die HERE. "Ek beplan voorspoed vir julle, nie teëspoed nie. Ek wil hê dat julle hoop vir die toekoms moet hê. Julle sal na My roep en bid, en Ek sal na julle luister. As julle heelhartig na My soek, sal julle My vind.

(Jermia 29:11-13)



# Kouland 2 : Familie Studie

## Dierbare Koubouters Skatte!

Dit was omtrent 'n bedrywige dag in die fabriek vandag gewees. Vandag het ons geleer dat ons uitmis op die lewe wat God vir ons beplan as ons verskonings uitdink om nie gehoorsaam te wees nie. Geniet hierdie kosbare les saam met jou mense.

## Koubouter Koukis:

### Ysbreker:

Deel vir elke kind 'n suigstokkie uit. Die uitdaging is om te probeer kyk of julle die suigstokkie kan suig tot hy op is. As jy die suigstokkie byt, dan val jy uit die kompetisie uit. 'n Mens kry mos van daar mense wat 'n suigstokkie tot op sy stok sal kan eet. Dan kry mens ander wat glad nie die gedraaiery vir so lank kan aanhou nie. In die middel van die stokkiedraai, byt hul hom sommer middeldeer om by die punt te kom. Gelukkig is daar nie 'n slegter of 'n beter manier om die heerlike soet geur van 'n suigstokkie te geniet nie. Daar is wel 'n beter manier om die wonderlike geur wat die Here vir ons lewe beplan te geniet. Hy beplan soveel wonderlike dinge vir elkeen van sy kinders. Die gevaar is dat ons baie keer verskonings uitdink om nie voluit te gaan vir die plan wat Hy vir ons lewens het nie.

1. Kyk na die voorbeelde van verskonings wat ons gebruik wat op die aktiwiteitsvel voorsien word. Gesels oor elkeen van die verskonings.

Daar was ook stokkiesdraaiers wat geleef het in die Bybelse tyd. Een spesifieke stokkiesdraaier het vir 38 jaar lank langs die bad van Betesda gesit en wag vir dinge om te gebeur. Hy was so siek, dat hy gekies het om net daar te sit en te kyk vir die mense wat verby hom stap na die bad toe. 'n Mens kan wonder wat het veroorsaak dat die man net opgehou probeer het om in die bad te kom. Was hy al soveel keer teleurgestel, dat dit hom lam gelaat het in sy hart, of was sy lyf werklik te lam om enige plan te maak? Dalk was hy bang dat ander snaaks van hom gaan dink as hy probeer om in die bad te kom. Dalk was hy te bang om die besluit te maak om iets te doen. Dalk het hy net daar stokkies gedraai in die hoop dat iemand hom sal raaksien en iets doen.....Iemand het hom raakgesien..

### Gesels oor die volgende:

2. Waarom het die man eerder vir Jesus verskonings gegee as wat hy gekies het om gehoorsaam te wees?
3. Jesus steek ook elke dag Sy Hand uit na ons toe. Wat is die dinge wat dit vir ons moeilik maak om gehoorsaam aan Jesus te wees?
4. Wat kan ons doen met die verskonings wat keer dat ons die lewe leef wat Jesus vir ons beplan?

5. Hoe kan ons verby moeilike besluite kom wat partykeer keer dat ons iets wil doen?
6. Hoe verander Jesus ons verskonings in belonings wanneer ons dit vir Hom gee?

*Ons stukkies vir vandag is in Jeremia 29:11-13*

**Wenk:** Is hierdie boek in die Ou Testament of Nuwe Testament geskryf?

Jeremia 29:11 is 'n baie bekende deel. Mense vergeet partykeer om die verse dars ook te lees. Die Here beplan wonderlike dinge vir ons, MAAR ons moet na Hom toe gaan en Hom vertrou. Ons moet met ons HELE hart na Hom toe gaan en die toelaat dat verskonings in die pad staan van gehoorsaam wees nie.

7. Hoe kan ons elke dag vir onself herinner dat die Here 'n plan met ons lewe het?
8. Hoe kan ons kies om die Here in elke deel van ons lewe te soek?
9. Wat kan ons doen as ons aan verskonings begin dink wat ons weg wil vat van God se plan?
10. Hoe kan jy 'n suigstokkie en die man van Betesda se storie gebruik om iemand te help wat verskonings uitdink om nie gehoorsaam te wees nie?



Dankie, vir julle saamleer vandag. Fluit-fluit ons kuier is uit, gaan versprei nou hierdie geloofsles vêr en wyd!

Skryf iemand se naam neer met wie jy hierdie boodskap gaan deel: .....



[illegible]